

巡按蘇松等處監察御史為府佐患病告歸查  
無假託懇乞

聖恩俯容回籍調理事崇禎七年三月二十九日據  
常鎮帶管蘇松兵糧道副使徐世蔭呈蒙職憲  
牌開據蘇州府總捕同知王尚賢稟稱職沉疴  
陡發臆腑若焦晝夜喘唾痛若發絕奄奄一息  
勢難久延惟臥以待斃懇連具

題放歸等因到院據此案查本官先經三次具詳  
乞歸俱經批行慰留去後今據前因擬合行查  
為此會同巡撫莊都御史行道即查同知王尚  
賢是否真病有無假託如果病在危篤痊可無  
期速行查確具報以便會

題等因蒙以備牌仰府即查總捕王同知是否真  
病果否危篤如或痊可有期該府仍勉留料理  
倘果病勢難起即為據實具詳聽候兩院酌

題作速查明限二日報道以憑覆核轉詳等因奉  
此隨該本府署印推官周之變查得本官長才

潔守苦心熱腸原視職守切於身家故致焦勞  
侵乎性命蓋因姑蘇煩劇奸邪伏莽督捕業已  
艱辛矧復蒞任未幾兩邑之員署符設五義田

完先漕米督竭盡心血益增病若屢盟去志懇  
留再三但迩來積成沉疴每見呻吟伏枕疊文  
詳請留之適以滋悞而無補地方合無乞恩軫

念俯准會

題庶本官獲更甦之望而臣子無擅離之愆矣等  
因到道議詳間續奉撫院批據該府申回前回  
奉批仰蘇松道連查報奉此該本道省得蘇州  
府同知王尚賢司捕推能弼盜搆符每事宜民  
乃同二暨之交侵遂致一疾而沉痾控辭累牘  
度勢已迫沾危壽命一絲強留遠恐滋悞所據  
該府查明申復前來相應轉請合候會

題允放以由賜終全等因具詳到職該職謹會同  
巡撫應天府府地方都察院右僉都御史莊祖  
誨音得蘇州府總捕同知王尚賢練達之才過  
事輒迎刃而解職司捕務有法至於署長  
洲署吳縣事集民安本之於一塵不染之守職

甚器之不謂抱病沾危堅意求去職再三慰留  
且因地方一時乏人勉之以服官大義而本官  
之病若則道府覆行查核確見其真並非有所  
假托者似又不得不聽其賦歸矣既經勘詳前  
來相應具

題伏乞

勅下該部覆議

上請將同知王南賢准其回籍調理道下員缺速行  
銓補勒限受事庶本官有得生之望地方無廢  
事之虞為此除具

題外理合具揭湏至揭帖者

右

具

揭

帖



崇禎元年肆月





日監察御史祁彪佳

第...卷



第...卷



Inches

Centimetres

**TIFFEN** Color Control Patches

© The Tiffen Company, 2007

Blue

Cyan

Green


Yellow

Red

Magenta

White

3



揭帖

